



Ақмешіт

22 наурыз
сейсенбі


№23 (1828)

2022 жыл

апталығы

Газет
1994 жылдың 15 сәуірінен
бастап шығады

• Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru



Құрметті қызылордалықтар!

Баршаңызды бүкіл Шығыс халқына ортақ мейрам, гасырлар қойнауынан бастау алып, ата дәстүрімізге айналған, сан түрлі ұлттардың бауырластығына арқау болған – Наурыз мейрамымен шын жүректен құттықтаймын!

Наурыз – жыл басы, Ұлыстың ұлы күні, күн мен түннің теңеліп, жер арқасы кеңіп, күллі тіршілік әлемі қайта түлейтін табиғат мерекесі!

Наурыз – жаңарған қазақ елінің кешегі мен бүгінгі, ертеңі мен болашағын жалғастыратын, жаңа бастамалар мен ізденістерге тың қадам жасайтын, жақсылыққа ұмтылатын, арман тілектерімізді айтып, жаңаша жоспар құратын ерекше мерекесі.

Наурыз – ел тарихының айнымас бір бөлшегі, мәдениетіміз бен дәстүріміздің киелі бастауы.

Жасампаздықтың жаршысы, жаңа жылдың бастауы, бабаларымыздың ақ батасы мен онегелі дәстүрдің көрінісі көктем мейрамы – Әз-Наурыз баршаңызға ырыс, несібе әкелсін. Жанұяларыңызға жылылық сыйласын.

Айналамыз аман, төңірегіміз түгел, бауырымыз бүтін болғай! Әр шаңыраққа Қызыр дарын, Бақ қонсын!

Ұлыс оң, ақ мол болсын!

Ізгі ниетпен,
Қызылорда қаласының әкімі
Ғанибек Қазантасов



Әз Наурыз
құшты болсын,
ағайын!

Наурыз тілек!

Бұл кезде жарар долы өзен тас тығырығын,
Көнеден көші жалағасқан дәстүр. Ұлы күн!
Төбесіне кеп жайғасқан қыран қазағын,
Тектіліктің еш теңселмес хас тұғырының.

Қалады ұзап кететін жылдан аз көрік,
Бірде маз болып өтетін, бірде араз болып.
Тезіне бірге түседі шын татулықтың,
Дуамал күнде жүркендер дұрдараз болып.

Көбесін сөгіп көк мұздың жылға аққан әні,
Сап тізген құстар қанатын бұлғап қағады.
Алты айдаң қалған бір асым сұрлерін асап,
Жамау көңілді жамалам жырғап қалады.

Берілер дала тербетер қыр салама ерік,
Жайдары көңіл шуақтан нұр сауар бөліп.
Жағасы, жеңі, етегі, тұлғасы апнап,
Шапанын иешіп қара жер бусанар келіп.

Жүзерін жұрттың бұратын құбылаға нақ,
Іздерін аңдып, артынан шұғыла қадап.
Оң жақ қолының саусағы буынсыз келген,
Елдің арасын жүреді Қыдыр аралап.

Енді кешеген қасірет қайрағы болсын,
Алаштың жұрты ақиуақ айаны көрсін.
Қаймана қазақ, қадірлі Қыбыр атамыз,
Сені де шаңырағының мейманы болсын!

Қазбек Сағидолда



Қош келдің, Жаңа жылың!

Шынтауытына келгенде біздің жаңа жыл енді келді. Жәй келген жоқ, күн мен түнді теңестіріп, күллі тіршілік атаулыға жан бітіре келді. Айналаға нұр шашып, көктемнің лебің сездіре келді. Осы бағаммен алғанда кешегі қаңтар қасіреті өткен жылдың енішінде қалады. Олай болса табылдықтан енді ғана аттаған барыс жылы елге құт пен бақ әкелсін. Қазақтың мәртебесі бәрінен үстем болсын.

Наурыз мейрамы – табиғаттың шын мәнінде жарасым табатын кезі. Бұл күні ағайын-туыс, дос-жарандар бір-бірінің үйін аралап, ренжісіп қалған жандар болса кешіріп, үлкені кішіге ізет, кішісі үлкенге құрмет көрсететін, төс қағыстырып амандасып, саулық сұрасатын шақ.

Наурыз мерекесі қараңдыда ел ішін Қыдыр аралайды деген де түсінік бар. Бұл өз алдына бөлек әңгіме. Бірақ Самарқанның көк тасы еритін күн тектен-текке жыл

басы саналмағаны белгілі. Бұл екі жүз не үш жүз жыл бұрын қолға алынған шаруа емес. Мұның тарихы тереңде. Кеңес үкіметі кезінде діни мереке саналып, көпке дейін тойланбай қалған. Тек туған елдің айбарын көтеріп, тәуелсіздікті жақындата түскен Желтоқсан оқиғасынан кейін екі жыл өткен соң мерекелене бастайды. Онда да қазақтың заңғар ұлдары Өзбекәлі Жәнібеков пен Мұхтар Шаханов бастама көтеріп, 1988 жылдан бері қайта тойлана бастады.

Ертеде осы күні ауыл ақсақалдары:

«Ұлыс оң болсын,
Ақ мол болсын» – деген тілек айтып, қырғи-қабак болып қалған ағайын-туысты, дос-жаранды бір дастарқанға отырғызып, дәм таттырып, табыстырған.

«Қыдыр қонысын басына,
Жақсы келсін қасыңа» – деп отбасын құруға шамасы келмеген жалғыз жүрген жетімдерді екеу қылып, өз алдарына жеке

отау еткен. Мүмкіндігі шектеулі жандарды жақын туыстарына арнайы аманаттап тапсырған, күйеуі не әйелі өлген жандарды әменгерлік жолымен үйлендірген. Осылайша, жетімі мен жесірін жылатаудың тамаша әрі тиімді жолын тапқан. Мұнымен қоса жастар жағы сауық құрып, алтыбақан басында ән айтылып, күй тартылады. Қазақтың көкпар, аударыспақ, қыз қуу, теңге ілу, ақ сүйек секілді басқа да ойындары ойналады.

Мақаланы жазу барысында тұрғындардың да пікірін білген едік. Алдымен «Ағуу city» сауда үйінен шығып келе жатқан жас шамасы 65-70-терді алқымдаған ағамызды тоқтаттық.

– Ассалаумағалейкум, Наурыз мейрамы құтты болсын, аға!
– Уағалейкумассалам, рақмет айналайын!

– Аға, мен Қызылорда қалалық «Ақмешіт апталығы» газетінің журналисі едім.

– Содан қызық!
– Наурыз мерекесі жайлы жұрттың пікірін жинап жүр едік. Бұл – қандай мереке? Өскелең ұрпаққа беретін тағлымдық, тәлімдік мәні бар ма?

– А, қалқам, түсінікті. Мен Сәрсенбай Аманбайұлы деген осы Қызылорданың тұрғынымын. Наурыз – ырыс пен берекенің, молшылықтың мерекесі. Бұл – ұлтты жақсылыққа ұйыстыратын күн. Жуанның жіңішкеріп, жіңішкенің үзілер шағында, тіршілік атаулы қайта түлер уақытта тойланатын бұл мейрамды бұрынғылар жылдың басы санаған. Осы сәтті пайдаланып, ел аман, жұрт тыныш болсын деген лебіз білдіргім келеді, – деп ағынан жарылды.

3 БЕТТЕ

ДӘСТҮРДІҢ ОЗЫҒЫ БАР, ТОЗЫҒЫ БАР...



Бел көтерер – қарт адамдарға дәм беру. Қарт кісілер ерекше күтімді қажет етеді. Үлкен кісілерге жақын-жуығы, көршілерінің арнайылап үйіне дәм апарып беруін «Бел көтерер» деп атаған.

Өңір салу – бұл тойдан кейінгі салт. Мұны әже-апалар орындайды. Олар жаңа түскен келінге шашу шашып, сыйлық сыйлайды.

Көгентүп – Алыста тұратын туыстарына балаларымен бірге қыдырып барғанда үй иесі сәбидің алғаш келуіне арнап мал айтады.

Үлпершек – тұрмыстағы қызына әкесінің сарқыт ретінде беріп жіберетін тағамы. Бұл ата-анасының қызын сағынғанын, қонаққа шақырғанын білдіреді. Мұны жылқының жүрегінен дайындап, ұн толы қапқа бір ай бойы сақтап, содан кейін дайындайды.

Қазан шегелеу – жақын-туыс, әзіл-қалжың жарасқан адамдардың бір-бірінің үйіне топ болып барып, «Осы үйдің қазанын шегелей келдік», – дейді. Үй иесі де әзілмен жауап беріп: «Жақсы болды, қазан шегелейтін адам таба алмай отыр едік» деп қонақжайлық танытып, қазанға ет салады.

Біз шаншу – «біз шаншуға» келгендер ешкіммен сөйлеспей, аттарының ер тоқымын бір жерге жинап, түскі астан соң да кетпей қояды. Үй иесі қонаққа арнап мал сояды. Қонған адам ертісіне сәске түсте үн-түңсіз аттанып кетеді. Өдетте мұндайда үлкен кісілер келеді. Қонақ кеткен соң үйдегілер бар гәпті түсіне қойып, дереу сырмақ қағады, қайрағын іздейді. Содан сырмаққа шаншылған бізді көріп, қайрақтың жоғалғанын біледі. Бұл «құл ер жетті, қыз бой жетті», құда болайық дегенді білдіреді. Егер қызы бар үй қайрақты сұрамаса, әлгі қонақ болып кеткен үлкендер келіп құда түседі. Келген қонақтың сырмаққа біз шаншуы «бізде ұл бар, ол осы шаңыраққа күйсеу болса» дегенді білдіреді. Ал қайрақты алып кетуі – құда болайық дегені.



**Жүн сабап,
текемет
басатындар
қайда кетті?**

3 бетте

НАУРЫЗДЫҢ ДУМАНДЫ ШАТТЫҒЫ

Ұлыстың ұлы күні Әз Наурыз қазақ халқы үшін қашанда ерекше. Көктемнің келуімен күн мен түн теңесіп, дүйім жұрт қазақтың жаңа жылын тойлауға асығады. Көже пісіріп, қазан түсіріп шат-шадыман болған адамдар Наурызды кең көлемде атап өтеді. Бұл дәстүр биыл да жалғасын тауып, Сыр жұрты Ұлыстың ұлы күнін түрлі дәрежеде атап өтті.

Жанару айын жақсылыққа балаған сырбойылықтар өткен сенбіде «Денсаулық және демалыс» саябағында қошет отырғызып, қоршаған ортаға оң үлестерін қосты. Наурыз мерекесі аясында өткен шараға зиялы қауым өкілдері, түрлі сала қызметкері, белсенді жастар атсалысты. Саябақ ішінде қызылордалықтар терек, қарағаш, үйенкі ағаштарының 700 түбін екті.

Іргі бастамаға облыс әкімі Гүлшара Әбдіқалықова да қолдау білдіріп, көптен бірге қошет егіп, әрбір тұрғын тазалықты өз ауласынан бастап, қала аумағын жасыл-желекпен көмкеруге үлес қосуы тиіс екенін тілге тиек етті. Сондай-ақ аймақ басшысы



сырбойылықтарға жанару айында бақ-береке тіледі. Облыс әкімі алғаш ішінде экологиялық акцияға үлес қосқан жастармен де пікірлесіп, ақжарма тілегін арнады.

4 БЕТТЕ

ҰЛТТЫҚ СПОРТТЫҢ ЖАЙЫ ҚАЛАЙ?



Ұлттық спортты айта қалсақ, ең әуелі ойға атадан балаға мұра болған, осы кезге дейін үзілмей келе жатқан қазақ күресі, садақ ату, бәйге түсері талассыз. Алайда осы спорт түрлері бүгінде өкінішке қарай ауылдың денгейінен ары аса алмай жүр. Дүние жүзіндегі әр халық өз спортын әлемдік деңгейге дейін көтеріп, онымен қоймай ыңғайына қарай қысқы немесе жазғы олимпиада ойындарына қосуда. Ал біз ше? Біз болсақ күресімізді де дамыта алмай келеміз. Ал жапонның дзюдосын білмейтін әлемде жан жоқ шығар.

2 БЕТТЕ

БҮГІНГІ САҢДА:

